

明醫指掌

卷九



計補明醫指掌卷之九

仁和雲洲皇甫中編輯

長洲念山邵從臯參補

子繩山邵達校

婦人科

一切衆疾與男子同惟經水帶下血崩胎產等症不同故古人另立婦人科以別之

經候一

歌婦人天癸有常經血滿衝任匝月行不及期來知是熱過期血少自分明若然色淡因痰滯熱極多來紫黑形氣滯未行先作痛虛時可過腹中疼去多不住加涼血來少無疼大補經閉要推虛實

候血枯氣膈熱痰因。

論夫經者常也。然衝任二脉爲經脈之海。血氣之行。外循經絡。內榮臟腑。氣血調適。運行不息。一月之間。衝任血溢而行。經云月事以時下。此常經也。其或太過不及。或多或寡。或紫或淡。則失其常候。而爲之病也。故有虛實冷熱之殊。善治者必審其因。而調之。復令充其元氣。以復其初。斯無病患也。

按褚氏云。女人天癸既至。踰十年無男子合。則不調。未踰十年。思男子合。亦不調。不調則舊血不出。新血誤行。或漬而入骨。或變而爲腫。寇氏亦云。室

女經閉成勞者多由積想在心故也王節齋曰婦
室經脉不行多因脾胃傷損不可便作經閉血凝
輕用通經破血之藥遇有此症便須審其脾胃如
何若因飲食勞倦損傷脾胃少食惡食泄瀉疼痛
或因誤服汗下攻剋之藥傷其中氣以致血少而
不行者只宜補養脾胃用白朮爲君茯苓芍藥爲
臣佐以黃耆甘草陳皮麥芽川芎當歸柴胡等藥
脾旺則能生血而經自行矣又有飲食停滯致損
脾胃者亦宜消食補脾若脾胃無病果有血塊凝
結者方宜行血通經。

脉經曰寸關調如故而尺脉絕者月水不利當
患少腹引腰痛氣滯上攻胸臆也。寸口脉浮而
弱浮則爲虛弱則無血。○關脉沉主月水不利腹
脹滿。○尺脉滑血氣實婦人經脉不利。○少陰脉
弱而微微則血少弱則發熱。

虛

經候行過而作痛者血氣俱虛也八珍湯經水過
期而行血不足也四物湯加黃蓍陳皮經水不調
而血色淡黃者血少也四物湯加人參黃蓍香附
腹中痛再加斷艾阿膠血氣受傷或生育多而瘦

弱經閉不行四物加桃仁紅花

四物湯 此湯為婦人室女補血之要藥也

當歸 二錢 熟地黃 二錢 川芎 一錢五分 白芍藥 炒一錢五分

右剉一劑水二盞煎八分服加減法見血症

八珍湯 此湯大補氣血兩虛一名八物湯

白朮 炒二錢 白茯苓 二錢 人參 一錢五分 甘草 炙八分

當歸 二錢 熟地黃 二錢 川芎 一錢五分 白芍藥 一錢五分

右剉一劑水二大鍾煎至八分空心服

熱盛

經水不及期來者血熱也四物湯加黃芩黃連柴

胡香附經水來而血色紫黑者丹溪云血紫黑熱極從火化故也經水未必多或作痛四物湯加黃芩黃連黃蘗倍芍藥經水去多十數日行不止此血熱也三補丸加荭草根敗龜板荆芥生地柴胡

三補丸

治三焦熱火之要藥使火邪退而血自清

黃連

三錢去毛炒真川者佳

黃芩

三錢炒

黃蘗

三錢去反炒褐色

右爲極細末蜜丸白湯下加山梔名梔子金花丸

四物湯

方見前

痰多

痰多佔住血海地位因而不多目必漸昏星芳丸

肥人經閉是痰隔導痰湯加黃連川芎瘦人經閉
是氣滯四物湯加木香檳榔枳殼香附桃仁紅花
經水過期色淡痰也二陳湯加川芎當歸貝母天
花粉臨行腹先痛氣滯血實也四物湯加玄胡索
蓬朮枳殼木香桃仁香附

星芩丸 治女人脂肥痰多佔住血海因而下多者

南星製四兩 蒼朮四兩 川芎四兩 香附童便浸三

右爲細末蒸餅糊丸黍豆大每服百丸白湯送下

二陳湯 此湯治痰之都管但引用不同隨宜斟酌

陳皮一錢 半夏一錢 薑製一錢 茯苓一錢 甘草炙六分

右剉一劑水二鍾生薑三片煎至八分空心溫服
導痰湯 卽二陳湯加南星炮一錢枳殼炒一錢

帶下二

歌婦人帶下爲何因風寒氣熱乘胞門精氣累滯于
帶脉因而帶下得其名溼痰下注或溼熱赤白須
將氣血分

論天帶下者由溼痰流注于帶脉而下濁液故曰帶
下良方以爲起于風氣寒熱之所傷或不避風邪
入於胞門或中經脉畱傳臟腑而發或傷于五臟
而見五色之帶但專用燥熱治之其謬甚矣機要

以赤者熱入小腸白者熱入大腸其本實熱鬱結不散則爲赤白帶下多用寒涼攻下之劑東垣以血少復亡其陽故白滑之物下流亦有溼痰流注于下焦或腎肝陰滯之溼勝或緣驚恐而木乘土位濁液下流或思慕爲筋痿所謂二陽病也多用補劑而兼升提丹溪專主溼熱下注故以化痰而兼止澀之劑古人立論殆盡病情而治法無定後學弗知所措不能無疑大抵屬痰與熱者居多陰寒者十無一二學者仍須精察虛實遲數之脈細審寒熱溼痰之症治之斯無執一之患也

脉帶下崩中脉多浮動虛遲者輕實數者重。

寒

白帶腥臭多悲不樂者寒也。陽氣極虛桂附湯婦人赤白帶下脉息沉微腹痛陰中亦痛經水愆期子宮虛冷不能成孕者元戎六合湯。

桂附湯 治婦人白帶腥臭多悲不樂天寒之症。

肉桂

一錢

附子

炮三錢

知母

酒炒五分

黃蘗

鹽酒炒五分

甘草

炙五分

升麻

五分

人參

七分

黃耆

蜜炙一錢五分

右剉一劑水二盞煎八分食前溫服。

元戎六合湯

治婦人帶下腹中疼痛陰中亦痛。

卽四物湯

四不見前經候條內

加肉桂附子

各五分

食前煎服

虛

白帶久不止臍腹冷痛陰中亦痛經水不止或因崩後脉弱無力痠痛東垣固真丸產後去血過多經水不調白帶如傾淋瀝腥穢衛生湯。

東垣固真丸

治白帶久不止臍腹冷疼陰中亦然

白石脂

燒赤一錢另研

柴胡

酒製一錢

黃蘗

去皮酒炒一錢

當歸身

錢二

白芍藥

錢一

乾薑

炮四錢

白龍骨

煨二錢另研

右爲細末水煮糊丸如梧桐子大每十丸空心下

衛生湯

治帶下不止脉微而弱臍腹疼痛

白芍藥

三兩

當歸身

三兩

黃蓍

蜜炙二兩

甘草

二兩

右剉一剉水二盞煎至八分空心服。

熱

內熱脉數赤白帶下不止。枸杞根一兩。生地黃五兩。酒一斗。煮至三升服。赤白帶內火盛陰虛煩熱。二黃三白丸。益母草末酒調服。或白芷散。

二黃三白丸 治白帶因七情所傷而脉數者。

扁栢

酒蒸五錢

黃蘗

炒五錢

香附

醋炒一兩

白芍藥

炒一兩

白朮

炒一兩

黃蓮

炒五錢

椿皮

炒二兩

白芷

煨存性二兩

右爲末粥丸如梧桐子大每服七十丸米湯送下。

白芷散 治女人赤白帶下。火熱內盛。

白芷 一兩

胎髮 煨 一團

海螵蛸 二枚

爲末。酒送下。

濕痰

濕痰結注于下。白帶淋漓。先以小胃丹開導閉鬱。

後用白朮丸。濕痰下注。半夏。南星。海石。炒黃蘗。蒼

朮。槲根皮。青黛。香附。滑石。蛤粉。陳皮。茯苓。

小胃丹 取膈上溼痰熱積。以意消息之。欲利。空心服。

芫花 半兩 炒不焦 醋拌一宿 瓦器內

甘遂 半兩 炒不焦 麴裏長浸 水浸

大戟 半兩 炒不焦 麴裏長浸 水浸

時再用水洗哪乾

大黃

一兩半 溼紙裏煨 勿令焦 切片焙乾 再用酒潤炒熟

黃蘗

三兩 炒 褐色

爲細末 粥丸如麻子 大白湯送下

白朮

治赤白帶 先以小胃丹開導 後用此補之

白朮

二兩 炒

黃芩

五錢

白芍藥

七錢

紅白葵花

二錢 半

右爲極細末 蒸餅糊丸 空心煎四物湯下 五十丸

溼熱

肥人白帶 陰戶痛 身黃皮緩 身重 陰中如水濕也

升陽燥濕湯 溼而挾熱者 大便或泄或閉 小便澀

脈實而氣盛 溼熱者 十棗湯下之

升陽燥溼湯

治白帶 陰中痛 身重如山 身黃皮緩

黃芩

錢炒一分

柴胡

一分

防風

一錢

甘草

六分

陳皮

八分

良薑

一錢

乾薑

一錢

郁李仁

一錢

白葵花

七朵

剉一劑水二鍾煎至八分空心服

十棗湯

治濕痰猛烈之劑用之者當以意消息。

甘遂

五分

大戟

五分

芫花

五分

棗十枚

右用水二鍾煎八分溫服以利爲度

崩漏三

歌婦人何故有崩中只爲勞傷任與衝經爲氣虛無

約制故令暴下若山崩因寒因熱因勞損帶補兼

升自有功

論夫婦人氣血調和則經水依期而來何崩漏之有
若勞動過極臟腑俱傷衝任之脈氣虛不能約制
其經血故忽然暴下若山崩然故曰崩中丹溪云
血崩症有因勞損而致者有挾熱者有挾寒者有
因氣血不足者之不同當辨明而治之。

脈經曰婦人漏血下赤白日下血數升脈急救者死
遲者生婦人漏下赤白不休脈小虛滑者生大緊
實救者死

勞損

因勞損衝任脈虛血非時下臍腹冷痛崩中脈遲